

Visoki predstavnik poziva vodstvo BiH da usvoji predložene reforme odbrane

Visoki predstavnik, Paddy Ashdown, danas je pozvao političko vodstvo Bosne i Hercegovine da što prije usvoji predložene reforme odbrane. Visoki predstavnik je to rekao nakon današnjeg sastanka između predsjedavajućeg Komisije za reformu odbrane i predsjedavajućeg Vijeća ministara. Na sastanku je predsjedavajući Komisije za reformu odbrane James Locher predočio predsjedavajućem Vijeća ministara Terziću konačni izvještaj Komisije, potpisan prošlog četvrtka od strane svih članova Komisije, zajedno sa nacrtom Zakona o odbrani na nivou države.

Visoki predstavnik, koji je također prisustvovao današnjem sastanku, rekao je da su u postizanju dogovora, članovi Komisije došli do konsenzusa koji je od koristi svima.

“Sada je na vladama i parlamentima da što prije usvoje ove reforme, jer jedino tako BiH može postati vjerodostojan kandidat za članstvo u programu Partnerstvo za mir,” rekao je visoki predstavnik. On je podvukao da će se u decembru ministri zemalja članica NATO-a sastati u Briselu gdje će “ukoliko Bosna i Hercegovina usvoji ove reforme odbrane, njen zahtijev za člansvom u programu Partnerstva za mir biti posmatran u mnogo pozitivnijem svjetlu.”